



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 15. De definitione voti,

[urn:nbn:de:hbz:466:1-78332](#)

Deum, Christum, & B. Virginem. Certe ut cetera omittam D. Paulus in priore ad Timoth. cap. i. Hymenæum & Alexádrum blasphemos, docet tradendos Sathanæ. Deus quoque ipsemet punit blasphemos, non solum pœna æterna in inferno, verum etiam temporali in hoc mundo: ut vel sic incipiant prægustare supplicia quibus sunt destinati. Qua de re extat notabile exemplum apud D. Gregor. lib. 4. dialog. cap. 28. de pueri quinquenni blasphemio, à dæmoni extinto in finis patris. Extant & alia duo apud D. Bernardum in vita S. Malachia.

Ceterum licet grauissimum sit blasphemia peccatum: tamen absolutionis illius non est referuata de iure communii, ut Suarez quoque obseruat in citat. nu. 2. De iure vero speciali, vel de particulari consuetudine vel statuto Synodali, referuata est in nonnullis locis.

203.

Restat monendum antequam finem huic capituli imponamus, ad blasphemiam pertinere: id est, peccatum esse mortale suo genere, ut Deo, & Sanctis maledicere; sic & creaturae cuicunque, siue rationali, siue irrationali. Ut creatura Dei est, prout nota Caïtan. in summula verbo Maledictio. Vbi etiam haber maledicere creaturæ secundum se, & non in ordine ad Deum: si quidem creatura sit rationalis, puta homo, peccatum esse mortale, si maledictio seu imprecatio mali, si fiat ut delibera voluntate desideratur idem malum eiuenire, ipsumque sit graue, ut mors, infamia, damnum rerum, infirmitas, exilium: quia tale desiderium repugnat nobilitate charitati debite proximo. Quod tamen iustificari potest, ut idem addit, si talia desiderentur proximo ut iustitia Dei aut reipub. suum locum habeat: quia latabit iustus cum viderit vindictâ: vel ut ipse ea ratione correptus, reducatur ad sanam mentem: aut faltem reuocetur ab oppresione bonorum. Excusari quoque potest à mortali ex paritate materiæ, seu quod leue sit malum quod desideratur.

Quod si creatura cui maledicuntur sit irrationalis: distinctione videntur est ex eodem ibidem. Tribus enim modis fieri potest maledictio creaturæ irrationalium: in primo, quatenus sunt aliecius hominis, quem is qui maledicit odio prosequitur: in eoq; casu peccatum est mortale maledicere: nisi indeliberatio vel materia levitas excusat. Nam id quoque est contra charitatem proximo desitum. Secundo, fieri potest ut cædem res maledicantur simpliciter, in sequente spectare, vel quaque us ipsa nocent, vel non obtemperant nobis: ut cum rustici maledicunt suis instrumentis: tuncque maledictio peccatum est solum veniale. Quod quidem à Caïer. ipso dictum, approbat Nau. in Ench. cap. 12. num. 86. Ratioque est, quia tunc censetur tantummodo verbum otiosum & vanum. Postremo fieri potest ut ille rebus maledicatur, prout nobis aliquod spirituale documentum adferunt, saltem per accidens: quod modo Iob, vt in cap. 3. libri ipsius referatur, dei natura talis fuerit maledixit: propter peccatum scilicet originale, & alia incommoda inde secuta.

TRACTATUS III.

De voto.

De hac materia tractatur in iure canonico, 17. & 27. utroque quæst. 1. & in aliis eiusdem iuris partibus, titulo De voto & voti redempcione. Aguntq; Theologi tum cum Magistro in lib. 2. sentent. distinçt. 38. tum cum D. Thoma 2.2. q. 88. & Summarij in Verbo votum, multiq; alii quorum in sequentibus fiet mentio cum res exegerit. Late autem inter ceteros eam persecutur Nauar. in Enchit. cap. 12. n. 2. 4. ad 81. & in consiliis, tit. De voto & voti redempcione: Sotus in toto lib. 7. De iust. & iure Azor in 1. parte Moral. Institutionum lib. 11. cap. 12. & sequentibus. Latissime omnium Suarez in opere de religione tractatus sexto sex libris prolixis distinctor: apud quæ & apud Thomam Sanchez in opere Morali lib. 4. complectente 56. capitula, relinquimus multa, prefertim que speculationis scholastica fuerint, videnda ab eo cui libuerit: contenti consider-

ratione eorum de quibus oportet instructum esse Confessarij ad indicandum de peccatis, quæ contra voti sanctitatem & obligationem committi possunt. Considerabimus ergo primo, voti definitionem. Secundo, diuisiōnem. Tertio, peccatum quod committitur illius violatione. Quarto materiam, seu id de quo fieri debet votum. Quinto, spectantia ad votum ex parte vountis. Sexto, impedimenta, quæ cum occurruant circa votorum executionem, ab ea excusat. Septimo, voti irritationem. Octavo, euīdem dispensationem, & nono, commutationem.

CAPUT XV.

De definitione voti.

S V M M A R I V M.

- 204 Definitio voti; & que promissio ad illius naturam spectat.
 205 Debet esse deliberata.
 206 Debet esse cum proposto promittendi sequē obligandi.
 207 Quatenus requiratur ut sit cum proposito implendi promissum.
 208 Quod propositū absolutum faciendi aliqui in honorem Dei, non sufficiat ad votum nisi firmetur promissione.
 209 Noranda, quibus soli possunt, que obiciuntur in contrarium.
 210 Qui solam proposuit alicui facere in Dei honorem, quatenus possit sententiam mutare sine peccato.
 211 Ad voti essentiam non est necessarium, ut promissio sit cum traditione.
 212 Quod soli Deo fiat votum.
 213 Vouens Sancti, quomodo votum at Deo.
 214 Quomodo accipiendum sit votum fieri de bono.

VIRIAE voti definitiones referuntur à Palud. in 4. distinçt. 38. q. 1. & à Sylvest. in verbo Votum. in principio. Inter ceteras autem placet illa Caïer. verbo Votum in principio; quod sit promissio facta Deo de bono: Promissionem autem intellige, non modo eam quæ sit cum stipulatione, hoc est, præmissa interrogatio, & secuta responsione, ut cum dicitur alicui, Promittis hoc: & ille affirmat, sed etiam quæ nude sit: quantumvis non sit cum fidei interpositione: dicendo scilicet, in bene, si promissum feruabo: neciuramento firmata sit, prout nota Richar. in 4. distinçt. 8. art. 3. q. 3. Adde sufficeret etiam pure mentalis ex D. Thoma 2.2. q. 88. art. 1. Palud. in citata quæst. 1. definit. 3. in fine. D. Anton. 2. partit. 11. cap. 2. in principio, Nauar. in memorato nu. 24. & Soto lib. 7. De iust. & iure quæst. 1. art. 2. Ratioq; est, quia cum votum fiat Deo, qui intuetur & scrutatur corda 1. Reg. 16. ver. 7. & Psal. 7. vers. 10. nihil refert verbis, an solamente cogitatione promissio fiat. Quanquam, ut ibidem D. Thomas annotat, & post eum Sotus, ad expressam voti firmitatem, adiungi promissione nonunquam solent; tum verba quibus excitemur ad mentem eleuandam in Deum: tum aliorum testimonia: ut non solum Dei metus, verum etiam humanus pudor nos firmiores reddat ad voti obseruationem. Imo interdum addi solet scriptura, iuxta cap. Omnes fœminæ 27. quæst.

Adde vterius ad votum sufficere posse implicitam promissionem: quæ censetur fieri, dum id agitur, in quo illa continetur inclusa. Exemplum dari potest de recipiente Ordinem sacrum in Ecclesia Latina. Cum enim ex eiusdem Ecclesia institutione, Ordini sacro, solempne votum castitatis sit annexus: ordinatus, etiam si fecerit expressam promissionem, adstringitur voto castitatis, co- ipso quod sacram Ordinem suscepit secundum Latinam Ecclesiæ ritum. Talem vero eiusdem Ecclesiæ institutionem aduersus nostri temporis hæreticos eam improbantes, beatus propagnat qui volet, videri potest apud Bellarmine in lib. 1. De membris Ecclesiæ militantis cap. 18. & quatuor sequentibus.

Ceterum promissio ad voti essentiam spectans, debet esse plene deliberata, seu facta cum plena rationis aduentitia, ad id quod promittitur. Circa quod aduentendum est, quod Lessius De iust. & iure lib. 3. cap. 40. num. 2. aliquot citatis, nota: Doctores communiter id ita accipere,

205.

206.

vt velint ad votum obligatorum requiri & sufficere (*de quo lice differit Suarez in tract. 6. De relig. lib. i. cap. 7.*) vt ipsum sit factum cum eo rationis iudicio, quod ad peccatum mortale committendum requiritur & sufficit: quia consentaneum est deliberationem qua sufficit ad obligandum se diabolo, sufficere posse ad obligandum se Deo. Quae vero deliberatio censenda sit sufficiens ad peccatum mortale, intelligendum est ex dictis in precedentibus lib. it. cap. 4. notab. 3. & lib. 15. cap. item 4. non procul ab initio. Accedit quod votum sit onus quod quis sibi sponte imponit: nec quisquam censendis sit onus sibi sponte imponere, nisi plene aduerterat quid agat, quidque illud sit quod capessit, & quo vinculo se aditringerat capessendo:

207. Præterea debet dicta promissio esse cum proposito promittendi: quia nisi ipsa extali proposito procedat, votum (*ut expressit Nauar. in Enchir. cap. 12. num. 38.*) erit tantummodo fictum & presumptum; pertinde atque donatio non procedens ex proposito donandi: prout censetur facta cum proposito minime aliena à se rem donatam. Quia quando actu apponitur expressa aliqua cotiditatem contra ipsius substantiam, destruitur; efficiturque irritus per talen resistentiam expresam. Sic igitur votens habendo propositum non vouchendo, tantum finge votum externa specie verborum: quandoquidem dicens voto vel promitto, mentitur: utpote qui loquitur contra mentem, qua interius contradicit. Adde etiam de causa prædictam promissionem debere esse cum proposito se obligandi: quod si excludatur per expressam intentionem contraria non obligandi se, nulla erit voti obligatio. Hoc, pro aliquo authoribus citatus, aduersus Sotum Lessius propagnat in seq. num. 12, 13, & 14. Res autem videtur satis clara: quia lex non obligat si feratur cum expressa intentione non obligandi: votum vero lex quedam est, quam votens imponit sibi: ideoque non obligat si is intenderit non obligare se: cum actus agentium ex libera voluntate, non operentur ultra intentionem ipsorum.

Debet demum eadem promissio esse cum proposito implendi promissum: quia sine eo vouchendo, potius est Deo illudere, quam promittere: pertinde ac si quis homini aliquid promitteret addendo se non habere animū implendipromissum. Vbi aduertere, nihilominus obligationem esse seruandi votum, sicut & iuramentum factum animo iurandi & se obligandi; etiam iurando habuerit animū non implendi illud. Ratio est: quod non sit de essentia promissionis, vt habeas animū praestandi rem promissam: sed solum vt habeas animū conferendi ius aliquod ad eam exigendam. Plenius de his voti conditionibus Suarez in cit. tract. lib. i. cap. 3. & 4. differit quidem: sed hacten ad nostrum institutum sufficiunt; additis quæ in seq. cap. 19. dicentur de nonnullarum defectu, reddente votum ipsum inuidum.

208. Porro ex proposita particula primæ definitionis voti difficultas oritur: Vtrum propositum absolutum faciendi aliquid ad honorem Dei, ab alijs vila promissione, sufficiat ad votum. Cuius partem affirmantem secuti sunt antiquiores canonistæ, quorum ex Panorm. meminit Azor in memorato cap. 12. q. 5. Negantem vero sequitur, Theologorum communem esse annotans, aliquot in eam citat. quos etiam refert Suarez in preced. cap. 2. in quo late eamdem partem propugnat: quam cum Theologis sequuntur tum Sumularij, vt Angelus & Sylu. in verbo Votum i. ille quæst. 7. & hic quæst. 2. atque alij: tum canonistæ recentiores vt Couar. ad cap. Quamvis pauci t. parte 3. num. 12. in fine, & Nauarr. in Ench. cap. 12. n. 26. secuti Panorm. ad cap. Literaturam. De voto & voti redemptione. Ex quo capit. eadem pars efficaciter probatur per illud, quod in eo habetur: illum qui ultra propositum vita mutandæ non est progressus in voto, non esse iudicandum transgressionem, si non impletat quod propositum. Inde enim pater, quod proponere nullam ex se inducat obligationem. Et ita, vt idem Panorm. ibid. habet, ex eo, quod quis animo proponeret dare aliquid Deo vel homini, censendus non est contraxisse obligationem exequendi idipsum quod proposuit: alioqui pene omnes p[ro]fessorum obligarentur ad ingressum religionis, quem sibi proponunt dum mundi

miserias considerant & sentiunt: Quod dici non potest: quia Concil. Trid. sess. 25. cap. 15. & 16. De regul. concedit Nouitiis annum probationis; totoq[ue] eo tempore vult illos manere liberos ad egredendum; si iudicauerint institutu quod discipiunt sibi non conuenire. Accedit quod votum importeret obligationem sui erga illum cui nuncupatur. At talis obligatio non oicitur ex solo proposito, sed oportet ad ipsum accedere præmissionem; sine qua illud non includit intentionem se obligandi: ideo enim qui propositum aliquid dare alicui, nisi præmisserit non existimat se obstatum ad dandum, si noluerit. Ad hanc faciunt verba Deut. 23. Cum votum voueris Domino Deo tuo, non tardabis reddere, si nolueris polliceri, absque peccato eris:

Solutionem autem eorum, qua pro canonistis adferri possunt late persequitur Suarez in eod. cap. 2. Reductitur vero ad ea, que Azor sub finem memoratae questionis quintæ breuiter tangit. Primum est: cum iura testantur proposito quæmpiam obligari, id intelligendum esse de proposito firmato præmissione, aut intentione se obligandi prout locis citatis notant Panorm. Sylu. Nauar. & Couar. Et confirmatur quia fatendum aliqui efficiunt iura iuribus contraria esse. Secundum est: si quis, etiam deliberato proposito, decernat aliquid facere, idque verbo enuntiet, non esse eo ipso mendacij aut contractæ alicuius obligationis violatorum: si id quod proposuit & dixit, non faciat: supposito quod tunc cum proponeret ac diceret, habuerit voluntatem faciendi: nisi contingat, ut interdum in contractibus, verbum ipsum faciam, ant æquivalens, surpari, non tantum ad significandum; mihi animus est facere: sed etiam, promitto me facturum. Tertium est: Iura cum indicant eum qui animo deliberato firmiter proponit aliquid facere ad Dei honorem, obligari propositum adimplere, niti præsumptione fundata in eo quod contingit plurimum: nimur ut tale propositum comitem habeat præmissionem, aut intentionem se obligandi. Vnde ea quæ talia iura statuant (*ne iura iuribus contraria censeantur*) possunt fictione iuris censeri constare: neque obstante, quin si de veritate probabiliter constituerit, hoc est, nullam interuenisse promissionem, aut intentionem se obligandi, teneri possit nullam rati proposito adiunctam esse obligationem ipsum adimplendi.

Iam vero doctrinæ propositæ congruentem assertere licet, non peccare mortaliter, *imo neque venialiter* ex Nauar. in eod. num. 26. cum quæ sine villa promissione, animo se obligandi proponit ieiunare, vel aliquot preces recitare, vel religionem intrare, aut aliud bonum facere: hocq[ue] quantumcumque tempore tale propositum fuerit continuatum, ut haber supplementum Gabrieli in 4. dist. 38. q. 1. litera C. Item quantumcumque fuerit verbis expressum, nisi id fiat ad propositum ipsum præmissione firmandum. Nam iuxta ante tradita: ac ca quæ Sotus habet lib. 7. de iust. & iure quæf. 1. art. 2. sub finem, verba exprimētia simpliciter voluntatis propositum, declarant tantum illud, non autem aliquam voluntatem obligandi se. Vnde sequitur dispensationes quas in tali casu D. Anton. 2. part. tit. ii. cap. 2. sub initio tangit petendas, non esse necessarias, nisi ad scrupulosorum animos tranquillandas.

Oritur adhuc ex eadem prima particula difficultas altera, An ad rationem voti sufficere possit promissio sine traditione rei promissa. Eam in citato lib. i. cap. 14. late persequitur Suarez pro scholastico suo instituto. Vna autem illa ratio pro parte affirmante nobis ad nostrum institutum sufficere potest: quod verum sit votum factum de actione: ut de ingrediendo religionem, & defusciendo peregrinationem, deque similibus: quæ cum nondum sint, utpote futura, non traduntur vouchendo.

Per sequentem definitionis particulam, facta Deo, separatur votum a simplici præmissione, ac significatur votum soli Deo fieri, ad Deumque principaliter referri, prout expressit D. Thomas 2. quæf. 88. art. 5. ad 3. & post eum Pallu. in 4. dist. 38. quæf. 1. conclus. prima deducita ex tercia definitione. Probatur autem: quia religio respicit Deum, votum autem aclus est religionis, ex eodem D. Thoma in corpore citatis art. 5. & in seq. 6. Quod tractat Sotus in sequenti quæst. 2. art. 3. Vbi & annotat idipsum habere locum, non

214

folum quando votū materia spectat ad religionem; vt quādo votū sit de fundendis preciis, aut de sacrificando: sed etiam quando ea pertinet ad alias virtutes: vt ad charitatem, aut ad abstinentiam: quia vōtere aliquid eiusmodi, non est a dōus elicitus ab alia virtute, quam a religione, iuxta communē sententiam, vt meminit Suarez in citato lib. a. cap. 15. in quo lare differit de eadem re.

215.

Ne tamen hinc colligas non esse vera vota, quae sunt Sanctis: quoniam recte dici potest, talia vota fieri Dōcō, quatenus ipse est in Sanctis, & ad ipsius honorem peritent obsequia, quae Sanctis ipsis deferuntur, tanquam iis qui sunt per ipsum sancti, & in quibus honoratur pie, sicut & laudatur, iuxta illud Psal. vitimi. Laudate Domīnum in Sanctis eius. De qua re Caetanus ad citatum D. Thomā articulū 5. verit. In responsione ad 3. & Sotus in fine cit. art. tertij, ac latius Suarez in sequenti cap. 16. Declaratur autem exemplū iuramentorum factorum per creaturem. Ea enim de scilicet vereque iuramenta censenda sunt, per tradita in appendice ad praecedens cap. 2. si intelligantur fieri resp. ad verum Deum; sicut intelligantur dum sunt à Christianis. Pari ergo ratione licet vereq; vota esse possunt ea, quibus Deus vōetur in suis Sanctis. Sicut ergo cum Sanctos oramus, Deum principaliter oramus, etiam proxiime & immediaete oremus Sanctos ipsos: ita etiam quando vōemus Sanctis: principaliter, et si mediaete, vōemus Deo, à quo speramus nos imperatores per Sanctorum intercessione, quod petimus: vt ex eo patet, quod vota Sanctis sunt, etiam ad aliquid impetrandum, quod non nisi à Deo haberi potest.

216.

Circa quātam particularē, debono, declarantem quānam debeat esse voti materia, nempe bonum (de quo postea ex instituto) tantum illud hic obiter monendum est in vniuersum, voti materiam esse tale bonum cuius oppositum non sit melius, & gratius Deo; quod que bonum sit, tum absolute, tum per comparationem ad suum oppositū: prout plenius declarabitur in seq. cap. 18.

CAPUT XVI.

De multiplici voti divisione.

SUMMARIUM.

- 215 Voti diuisio in deliberatum & indeliberatum.
- 216 Metus proueniens ex causis naturalibus non obstat, quin votum ex eo factum sit validum.
- 217 Nec item si prouenient ab homine, sed sit incussum iuste, aut ab aliā causam, quam ad extorquendum idipsum votum.
- 218 Per metum incussum iniuste ad directe ad extorquendum votum, ipsum redditum inutilidum.
- 219 Modis quibus contingit votum esse illicitum tanquam nullum.
- 220 Modis aliis quibus contingit illicitum esse, tanquam infidele.
- 221 Modis quibus contingit votum esse inuididum.
- 222 Quatuor casus in quibus malus finis non obstat, quin votum sit validum.
- 223 Diuisio voti in absolutum & conditionatum; & quo modo accipendum sit, quod conditio in hoc, supendat obligationē.
- 224 Diuisio voti in morale & penale, & diversi huius modi.
- 225 Diuisio in solleme & simplex, & in quo consistat virtusque differentia.
- 226 Diuisio in publicum & priuatū: & alia in personale, reale, & mixtum.
- 227 Triplex differentia inter votum personale & reale.
- 228 Notandum de voto mixto.
- 229 Diuisio voti in affirmatum & negatum.

MULTAE ac variae voti diuisiones assignantur, ut videre est apud Paludanum in 4. distinct. 38. quæst. 2. Illas persequitur Suarez in tract. 6. De religione, lib. 1. cap. viii.

Prima diuisio, voti in deliberatum & indeliberatum.

215.

Votum deliberatum dicitur, quod factum est cum antecedente deliberatione faltem virtuali. Indeliberatum vero, quod sine deliberatione antecedente est

factum. Quodquidem est votum solo nomine: cum ex dictis in precedenti cap. ad rationem voti requiratur vt sit promissio deliberata: adeo & facta animo promittendi seque obligandi: vnde intelligitur solo quoque nomine votum esse, sine tali animo factum: ita vt merito non verum sed fictum tantummodo votum censeatur. Quæ hic notanda viderentur de deliberatione ad voti validitatem requisita tradentur in sequenti cap. 19. sec. 2.

Secunda diuisio voti in spontaneum, & in extortum metu.

S Pontaneum votum dicitur, quod libere omnino sit, soloque pietatis intiuēti. Extortum autem metu, dicitur quod non fieri nisi metus urget. De quo pro praxi notanda sunt aliquor documenta.

216.

Primum est, quod Suarez in memorato lib. 1. cap. 7. nū. 3. & aliquot sequentibus tractat. Validum esse votum factum quoque metu proueniente ex causis naturalibus: vt factum in naufragio aut alio mortis periculo, aut in aliqua magna tribulatione ad obtinendum diuinitus liberationem ab ea. Itud deducitur, ex cap. Sicur primo & secundo, De regularibus. Idem etiam haberetur extimatorum viu in Ecclesia. Et probatur ratione: quia sic vōens libere vōet: quandoquidem metus nō tollit libertatem simpliciter. Est enim coniunctam habeat displicētiā, qua metuens nollet facere quod facit, si id posset absque eo incommode quod timeret: non impedit tamen, quin si libertas sufficiens ad vōendum, cum sit sufficiens ad peccādū mortaliter: iuxta cap. Merito. 15. quæst. 1. vbi ratio redditur; quod peccata per metum commissa, sunt peccata volentium, quoniam sic peccans, licet alias peccare nollet, quia peccatum simpliciter, ac secundum se spectatum illi displicet, nihilominus tamen hic & nunc, libere vult peccatum, tanquam medium vīle ad vitandum malum quod metuit. Voluntas autem quæ sufficit ad hominem obligandum diabolō, sufficit etiam ad obligandum Deo, prout habitat in præced. nū. 20. 6. Nec obstat cap. Gonfaldus 17. quæst. 2. in quo Presbyter qui infirmitate & ferore passionis, se monachum fore promisit, declaratur non esse per eum auctum factus Religiosus. Non obstat inquam, quia Pontifex suam illam declarationem fundat non in eo quod talis promissio facta sit metu mortis: sed in eo quod canonica institutione interdictum sit, monachum fieri seu profiteri, ante annum probationis. Videntur est Suarez ibid. nū. 7.

217.

Secondum est, Si metus ex eo sit votum, iuste interrogatus sit, non irritare illud: vt si maritus deprehensē in adulterio minetur se curaturum in iudicio illius castigationem, nisi religionis ingressum vōeat; aut si reo mortis, potest sit redimēti illius supplici, si vōeat se in uxori acceptum pacem quæ se offert, validum erit votum. Itud tractans Leon. Lessius De iuste & iure lib. 2. cap. 40. nū. 10. confirmat haec ratione: quod quando metus iuste interrogatur ob crimen, non tam censeatur inferri ab extrinseco, quam ab intrinseco: nimis ut propria voluntate, qua commissum est delictum: atque is qui votum proponit, potius auferat quam inferat metum: ut potest ostendens civiam mali euadendi. Iam id quod ex propria voluntate oritur, non censetur moraliter voluntati repugnare: ideo enim ex communi sententia, talis metus non rescindit ciuilē contractus, qui libertatem requirunt perinde ac votum.

Tertium est, quod consequenter habet Lessius ac etiam Suarez in seq. num. 8. metum iniuriosum non irritare votum ex eo factum, si ob aliā causam incusus sit, quam ad istud extorquendum: vt si quis metuens hostem persequenter ipsum iniuste, vōeat ingressum religionis, vt Deus illum feruerit: vel apud Turcas feruerit in iuste addicēt, idem vōeat, vt Deus ipsum liberet. Ratio vero est, quod metus tunc non sit directe causa voti, sed solum occasio: quia quis vōet tanquam medio ad depellendum metum, alia de causa illatum.

218.

Quartum est, Metum iniuriosum incussum directe ad extorquendum votum, irritare ipsum. Hanc esse commu-

nem